

Տաղիս առաջին մասին տողագրութիւն տառք յայտնեն Հեղինակին անունն, թէ՛ Ստեփանն է. վսեմական ոճն այլ յայտնէ՝ որ Սիւնեցի Քերդողին է. Սաղմոսի և Յովբայ գրոց բանից ի մասսօքն և մեր Համարաձման տօնի շարականաց համաձայն են, այլ բարձր և ազնիւ և հասմասօտ. շատ վեհ և վայելուչ բառած է Քրիստոսի բռնել ընկճին զհօկայ վիշապն՝ (մարգակուլ սատանայ), և անոր խալամը (կտրած գլուխը) շալկել յուս ձկնորսաց, այսինքն Առաքելոց, որք առաջ ձկնորսք էին, և ապա եղան քարոզք և աւետարանիչ փրկագործութեան Համարաձելոյն յերկինս:



Սոսկալի ահիւ պակեան հոյլք բոցեղինաց խմբիցն,
Տեսեալ մերունակ կերպիւ ըզՏէր համարաձեալ յերկինս.
Երկնաթիռիչ ամբովք լուսոյն հրակերպեան կառօք ճեմեալ:
Փայլիւն նըշողից ձորձոյն կարմրերփեան բոսոր վառեալ,
Արեամբ ծաղկեբանգ պըճնեալ. վէր մահուն յինքեան ցուցեալ,
Նոր իմն ահաւոր տեսիլ. խոցուած բեւեռաց տիգին:
Ո՞վ է սա դիմեալ յերկրէ, զԵսայեան գոչեալ ձայնէր:
Սըլացեալ հըզօրն փառօք յերկինս ելանէր առ Հայր.
Ի վեր քան ըզհրաշս խորհուրդ գերակայ, անցեալ ընդ միտս.
Իական բանին յայտնեալ զխորհուրդըն ծածկեալ յազանց:

Փ Ո Ւ

Ես խօսիմ զարդարութիւն, զանճառ փրկութեան զխորհուրդն,
Ձհըձանն հարի զլըքեալն, զողկոյդն ի խաչին ճըմեալ,
Ձգինին ամբօրեալ ի յարկս եկեղեցւոյ սըրբոյ.
Գըլուխ իմ լըցաւ ցօղով, վարպըս մանր անձրեւով ցայթեալ.
Գոյն պատմութեանն ներկեալ վարդապոյն արեամբ խաչին.
Ընկճեալ վանեցի զհըսկայն, ըզվիշապըն կարթիւ կալեալ,
Ձխալամն հատեալ՝ բարձի ի ձըկնորսացն ուս եղեալ.
Խաղալիկ մանկանց տըւեալ՝ որդւոցն նորոյ Սիւնի.
Ձգրամն արքայական գըտեալ՝ վերառեալ յաղբից տըղմոյ.
Ձոչխարըն մուր բարձի՝ ուսովք ի բարձունս բերեալ:
Դուք մի՛ զարհուրիք հրեղէնք վեհք և լուսեղէնք հողիք.
Իշխանաց հրամայեցէք ի վեր համբառնալ ըզգրունս.
Մեծի հարսանեաց պարուց իւրնճոյս կազմեցէք հրաշիւք,
Եւ ուրախակից լերուք հոգանիւթեայ բնութեանց սեռից:
Մըտեալ ի յերկինս երկնից, և Հօր ընդ ալմէ նըստեալ:
Արդ եկայք մանկունք լուսոյ, տօնեացուք մեծաւ յուսով.
Եւ անճառ երանութեամբ առնել զմեզ հաղորդս այժմուս.
Յորժամ մերունակ կերպիւ՝ ծագես ի յերկնից փառօք:
Նըմա միայնոյ տացուք ըզփառս ի յաւիտեանս:

